



Uunga:

Aqqalu C. Jerimiassen  
Inatsisartunut ilaasortaq

### § 37 naapertorlugu apeqqummut nr. 48 2024-mut akissuteqaat

Inatsisartut suleriaasianni § 37, imm. 1 naapertorlugu apeqqu Inatsisartuni ilaasortamit Aqqalu C. Jerimiassenimit apeqqutigineqartoq Naalakkersuisunit ullormi 23. februar 2024-mi tiguneqarpoq.

Akissutit apeqqutigineqartut kingornatungaanniipput.

1. Inatsisartut Naalakkersuisunit § 37 aallaavigalugu apeqquteqartarnerat agguaqatigiisillugu ukiumut nunatta karsianut qanoq aningaasartuutaatigisarpa?

#### **Akissut:**

§ 37 naapertorlugu apeqquteqaatit suliarineqartarnerisa agguaqatigiisillugu aningaasartuutaasarneri naatsorsorneqarsimanatillu misissorneqarnikkuunngillat. Misissuinissaq taamaattoq § 37 naapertorlugu apeqquteqaatit nalinginnaasut suliarineqartarnerisa avataaniippoq. Taamaattorli § 37 naapertorlugu apeqqu nr. 108 aqutigalugu 2015-imi apeqqutilliisoqarmat ima akissuteqartoqarnikuusimavoq:  
*"§ 37 naapertorlugu apeqqutit akineqartarnerinut sulisut piffissarlu atorneqartartut allanngorarput, tassani apeqqutigineqartoq apeqqutaasarmat. (...) § 37 naapertorlugu apeqqutip akineqarnera agguaqatigiisillugu 12,5 tiimit, apeqqutit siullit 100-t katillugit 1.092.5 tiimit.*

12,5 tiimit missingersuutigineqartut annikippallaarunarpud. § 37-imut ataatsimut 12,5 tiimit atorneqartarsimassappata aningaasartuutissat tamarmiusut eqqarsaatigalugit sulisut akissarsiatigut isumaqatigiissutaat apeqqutaasussaappud. Sulisut AK isumaqatigiissutaa naapertorlugu atorfilinnut agguaqatigiisitsisoqarsinnaavoq 201,81 kr.-mut, pisortanullu isumaqatigiissut naapertorlugu akiusoq agguaqatigiisillugu 728,73 kr.-ulluni. Taamaasilluni § 37 naapertorlugu apeqqutip Naalakkersuisoqarfinni suliarineqarnera 2.522,62 kr. aamma 9.109,12 kr. akornanni akeqassanganneqarpoq. Tamatuma saniatigut nutserneqarneranut aningaasartuutit, piffissaq Naalakkersuisup atorsimasaa kiisalu Inatsisartut Siulittaasoqarfiani sulisunut piffissarlu atorsimasat ilanngunneqartariaqassappud.

04-04-2024  
Suliap nr.  
All. normua. 23951278

Postboks 1015  
3900 Nuuk  
Oqarasuaat (+299) 34 50 00  
Fax (+299) 32 50 02  
e-mail: govsec@nanoq.gl  
www.naalakkersuisut.gl

2023-imi § 37 naapertorlugu apeqqutigineqartut 186-iusimapput, taamaasillunilu Inatsisartuni ilaasortat apeqquteqaataasa akineqartarnerinut aningaasartuutaasimasut 469.208,25 kr. aamma 1.694.296,32 kr. akornannut missingerneqarsinnaalerlutik.

Erseqqissaatigineqassaaq kisitsisit qulaani taaneqartut nalilersuigallarnerummata.

2. Naalackersuisunut apeqquteqarneq ataaseq agguaqatigiisillugu qanoq naleqarpa?

**Akissut:**

Apeqqut 1-imut akissut takuuk.

3. Partiikkaartumik kiisalu Inatsisartut ataasiakkaat 2023-mi qassinik apeqquteqarsimanersut qanorlu aningaasatigut naleqarnersut takussutissanngorlugu uani akissummi Naalackersuisut saqqummiussaqaarsinnaappat?

**Akissut:**

Partiinut inatsisartunullu ataasiakkaanut tunngatillugit naatsorsukkat ima isikkoqarput. Ukiuni 2021, 2022 aammalu 2023-imi aningaasartaat ikkussuunneqarput:

Ukiuni 2021-imi

IA		Siumut		Demokraatit		Atassut		Naleraq	
Harald Bianco	2	Doris Jakobsen	8	Anna Wangenheim	20	Aqqalu C. Jerimiassen	6	Pele Broberg	4
Mariane Paviassen	7	Lars Poulsen	7	Jens-Frederik Nielsen	15	Siverth K. Heimann	4	Emanuel Nuko	8
Pipaluk Lynge	5	Jess Svane	14	Nivi Olsen	5			Jens Napätök'	1
Peter Olsen	2	Anders Olsen	6	Justus Hansen	2			Paneeraq Olsen	1
Aqqaluaq B. Egede	1	Mala Høy Kúko	12					Mette A.-Hammeken	4
Mariia Simonsen	2	Karl Tobiassen	3						
Kristian Jeremiassen	10	Erik Jensen	13						
Agathe Fontain	1	Vivian Motzfeldt	4						
Mikivuk Thomassen	2	Jens Danielsen	1						
Sofie Geisler	14	Aslak W. Jensen	6						
Charlotte Pike	3								
Knud Mathiassen	1								
Hans Aronsen	1								
I alt	51		74		42		10		18
Aningaasat missigersuutit 128.654 kr. aamma kr. 464.565 akornaniissagatinneqarput.		Aningaasat missigersuutit 186.674 kr. aamma 674.075 kr. akornaniissagatinneqarput.		Aningaasat missigersuutit 105.950 kr. aamma 382.583 kr. akornaniissagatinneqarput.		Aningaasat missigersuutit 25.226 kr. aamma 91.091 kr. akornaniissagatinneqarput.		Aningaasat missigersuutit 45.407 kr. aamma 163.964 kr. akornaniissagatinneqarput.	

IA		Siumut		Demokraatit		Atassut		Naleraq	
Harald Bianco	3	Doris Jakobsen	9	Anna W og Jens-Frederik	1	Aqqalu C. Jerimiassen	8	Hans Enoksen	10
Mariane Paviassen	14	Lars Poulsen	6	Jens-Frederik Nielsen	18	Siverth K. Heimann	1	Emanuel Nuko	16
Pipaluk Lyngø	3	Kim Kielsen	1	Nivi Olsen	2			Jens Napâtök'	12
Eqaluk Høegh	2	Anders Olsen	2	Inatsisartutgruppe	1			Paneeraq Olsen	4
Asii Chemnitz Narup	12	Mala Høy Kúko	3	Anna Wangenheim	27			Mette A.-Hammeken	4
Mariia Simonsen	2	Karl Tobiassen	1						
Kristian Jeremiassen	19	Jens-Kristian Therkelsen	11						
Agathe Fontain	6	Najaaraq Møller							
Mikivuk Thomassen	6	Kuno Fencker	1						
Sofia Geisler	1	Erik Jensen	5						
Charlotte Pike	3	Vivian Motzfeldt	3						
Knud Mathiassen	1	Jess Svane	4						
Hans Aronsen	1	Aslak W. Jensen	5						
Harald Bianco og Knud Mathiassen	1								
Inuit Ataqtigii Ina. Gruppe	1								
I alt	75		51		49		9		46
Aningaasat missigersuutit 189.197 kr. aamma 683.184 kr. Akornaniissagatinneqarput.		Aningaasat missigersuutit 128.653 kr. aamma 464.565 kr. Akornaniissagatinneqarput.		Aningaasat missigersuutit 123.608 kr. aamma 446.347 kr. Akornaniissagatinneqarput.		Aningaasat missigersuutit 22.704 kr. aamma 81.982 kr. Akornaniissagatinneqarput.		Aningaasat missigersuutit 116.041 kr. aamma 419.020 kr. Akornaniissagatinneqarput.	

### Ukiumi 2023-imi

IA		Siumut		Demokraatit		Atassut		Naleraq		Attaviitsoq	
Harald Bianco	3	Doris Jakobsen	24	Bjørk Lange	11	Aqqalu C. Jerimiassen	5	Pele Broberg	5	Knud Mathiassen	1
Mariane Paviassen	17	Lars Poulsen	11	Jens-Frederik Nielsen	14	Bentiaraq Ottosen	1	Emanuel Nuko	5		
Pipaluk Lyngø	1	Najaaraq Møller	1	Nivi Olsen	3	Siverth K. Heilmann	5	Jens Napâtôq	7		
Peter Olsen	9	Anders Olsen	2	Inatsisartut gruppiat	4			Paneeraq Olsen	2		
Asii Chemnitz Narup	5	Mala Høy Kúko	11	Anna Wangenheim	7						
Mariia Simonsen	4	Karl Tobiassen	1								
Kristian Jeremiassen	6	Jens K. Therkelsen	3								
Agathe Fontain	4	Najaaraq Møller	4								
Mikivuk Thomassen	5	Kuno Fencker	2								
Adam Kristensen	3										
Amerlassusaat katillugit	57		59		39		11		19		1
Aningaasat missigersuutit 143.789 kr. aamma 519.220 kr. Akornaniissagatinneqarput.		Aningaasat missigersuutit 148.835 kr. aamma 537.438 kr. Akornaniissagatinneqarput.		Aningaasat missigersuutit 98.382 kr. aamma 355.256 kr. Akornaniissagatinneqarput.		Aningaasat missigersuutit 27.749 kr. aamma 100.200 kr. Akornaniissagatinneqarput.		Aningaasat missigersuutit 47.930 Kr. aamma 173.071 kr. akornaniissagatinneqarput		Aningaasartuutit 2.523 kr. aamma 9.109 kr. akornaniissagatinneqarput	

4. Naalakkersuisut Inatsisartuniit § 37 aallaavigalugu aperineqaraangamik sulianik aallartitsinernik malitseqartarpa?

**Akissut:**

Inatsisartuni ilaasortat § 37-it atorsinnaasarpaat Inatsisartunut siunnersuuteqarnissaminut. Kisianni § 37-it atorneqartarnerat naapertorlugu sulianik aallartitsisarneri pillugit misissuisoqarnikuunngilaq. Taamaattoq oqaatigineqarsinnaavoq § 37 naapertorlugu apeqqutinut akissutit ataatsimut isigalugu tassaasarmata pioreersunut akissutit taamaattumik § 37 naapertorlugu apeqquteqarnikkut suliniutigineqalersaartut naatsorsuutigineqarput amerlagisassaangitsut.

5. Apeqquteqartarnek Naalakkersuisoqarfinni sulisunik amerlisaataava?

**Akissut:**

Siullermik tamat oqartussaaqataaernerat eqqarsaatigalugu § 37 naapertorlugu apeqquteqartarnek pingaarutilerujussuavoq, taamaasiornikkummi Inatsisartunut ilaasortat qinikkatut sulianik aalajangersimasunik paasiniaasinnaatitaasarmata. Taamatut oqareerluni § 37-t allaffissornermut pitsaanngitsumik sunniuteqarsimanagerat oqaatigisariaqarpoq soorlu naalakkersuisoqarfiit suliassat innuttaasunut tunngassuteqartut tunulliuttariaqalersarmassuk aamma apeqqutit naalakkersuisoqarfimmi ulapaarfioreeqisumi ulapinnerulersitsisarmata.

Naak § 37-t naalakkersuisoqarfinni amerlanerusunik sulisoqartariaqalernernik kinguneqartarnerat uppersarneqarsinnaangikkaluartoq oqaatigineqassaaq § 37 naapertorlugu apeqquteqaatit suliniutinik nutaanik aallartitsinernik anguniakkanilluunniit allanngortitsinernik kinguneqartitsikulannimmata, taamaattorli suliarinerini suliassat allat naalakkersuisoqarfinni tunulliukkallarneqartariaqartarput. Suliffimmi atugassarititat taamaanneri allaffinni sulisunut ulapisitserujussuuartarput suliffimmilu pitsaanngitsumik atugassaqartitsilernermik kinguneqartarlutik. Pissutsit taamaannerata Naalakkersuisoqarfiit ilaatigooriarlutik suliassanik avammut suliakkiutigineqarsinnaasunik suliakkiisariaqartarneranik kinguneqartarpoq. Taamaattumik § 37-it salliunneqartussanngortillugit nukissat pitsaanerusumik atorneqarsinnaagaluartut atorneqarsinnaajunnaartarsorineqarput.

Sinaakkusiussat Inatsisartunit aalajangerneqarsimasut Naalakkersuisut malittarpaat, sinaakkutillu allanngortinneqassappata tamanna Inatsisartunit aalajangerneqartariaqarpoq. Periarfissat soorlu apeqqutigineqartartut ikilineqarsinnaaneri politikikkut oqallisigineqaaqqaarnissat pisariaqarpoq. Naalakkersuinikkut ingerlatsiviusuni allani apeqqummik ataasiinnarmik apeqquteqarsinnaatitaaneq periarfissaritinneqartarpoq. Massakkut killiliisoqarnikuunngilaq § 37-imilu ataatsimi ilaatigut apeqqutigineqartut 22-iusinnaasarlutik.

Naalakkersuisunut apeqqutigineqartartut suliarineqartarneri nutaamik eqqarsaatigineqarsinnaapput nukissanillu atuisarnerit annikillisillugit Inatsisartunimi partiit tamarmik pisortat allaffissornerisa annikillisarnissaat soqutigisarimassuk. Naalakkersuisut piareersimapput nutaalorsinnaanermut immersueqataanissaminut, soorunami pissaanerup

aggulussimaneranik imlt. sullissinermik ajornerulersitsinngitsumik, kisiannili illuatungaanik maannakkut periarfissanik pitsanngorsaanissamut.

Med venlig hilsen  
Inussiarnersumik inuulluaqqusillunga



Múte Bourup Egede